

## ҚҮШТЕПАЛИК ЁШЛАР ҲАМ ЎЗЛАРИ УЧУН, ҲАМ ТЕНГДОШЛАРИ УЧУН ДАРОМАД МАНБАЛАРИНИ ЯРАТИШМОҚДА

Күштепа туманида иш билан банд бўлмаган ва пандемия туфайли хориждан қайтиб келиб ишсиз қолган ёшларни доимий иш ўрнига эга бўлишларини таъминлаш мақсадида юритилган “Ёшлар дафтари”га 4921 нафар ёшлар киритилган эди. Ўтган давр мобайнода уларнинг хоҳиш ва истаклари ўрганилиб, зарурий кўмаклар берилиши натижасида 3800 нафардан зиёд ёшларнинг бандлиги таъминланишига эришилди.

Биргина 1-сектор худудида жойлашган Шерзодбек номли фермер хўжалигидан 3 гектардан ортиқ ер майдони ажратилиб, “Оқтепа” маҳалла фуқаролар йиғинида истиқомат қилувчи 31 нафар ёшларнинг ҳар бирига 10 сотихдан бўлиб берилди.

Бундай имконият ва кўмакдан самарали фойдаланаётган “Ғиштмон” маҳалла фуқаролар йиғинида яшовчи Достон Раҳмонов эса бугун ўзига бепул тортиқ этилган мотокультиватордан яхшигина даромад қилиш билан бирга ҳайрия ишларини ҳам амалга оширмоқда.

Шунингдек, “Қийқи” маҳала фуқаролар йиғини “Арчазор” кўчаси, 245-уйда истиқомат қилувчи Нозимжон Нишонов банқдан олинган 30 миллион сўмлик имтиёзли кредит эвазига ускуналар ҳарид қилиб, 4 нафар дўсти билан бирга мўъжазгина стуллар ишлаб чиқаришни йўлга қўйди. Энди ўз ишини янада кенгайтириш ниятида.

Тумандаги “Сойбўйи” маҳалласи “Саҳоват” кўчасининг 112-уйига кирган одамнинг эса ҳаваси келиши аниқ. Боиси, 25 миллион сўмлик имтиёзли банк кредити билан иш бошлаган Фазлиддин Ҳожиматов иссиқхонада помидор етиштиришни йўлга қўйган ва ҳосиллар мўл бўлди. Маҳсулотни ҳаридорлар унинг уйидан ўzlари олиб кетишимоқда.

Тумандаги “Карнайчи” маҳалла фуқаролар йиғини “Беҳизор” кўчаси 67-уйда яшовчи Мухриддин Маҳмудов ҳам берилган имкониятлардан унумли фойдаланиб, қурилиш материали ишлаб чиқаришни бошлаган.

Зотан, ўз фаолиятларини янада кенгайтириш, ўнлаб тенгдошлари бандлигини таъминлаш орқали ҳалқ фаровонлиги, юрт тараққиётига муносиб улуш қўшиш истаги қўштепалик ёшларнинг ягона мақсадига айлаган.

[Бизни ижтимоий тармоқларда кузатинг Facebook,](#)

2021-07-16 10:55:04